

## **Proclamatie prins Koen 1 en prinses Wendy.**

Maoge weer ós veursjtèlle?

Ich, gebaore Louverman prins Koen, en mien „Ketje“ prinses Wendy zeen gruëtsj en blie dit jaor de scepter te maoge zijweyje euver 't Katteriek.

### **Ten ieëste:**

Al jaore waere weer es prinsepaar verwach,  
noe is 't eindelijk zoa wied en det gaon w'r viere tot deep in de nach!

### **Ten twieëde:**

Weer verwachte det oos familie en oos vrunj mit vastelaovend in Houtem hun tente opsjaon.  
Es ze in eder geval mer weite, det ze veur Esjelegoonzig neet heives gaon.

### **Ten driede:**

't Zal ós door 'Kump Good' mesjien neet in dank waere aafgenómme,  
mer zóngere ós zulle ze de vastelaovend ouch vas en zeker doorkómme.

### **Ten veerde:**

Man, vrouw of genderneutraal,  
weer wille ederein zeen sjprènge en danse in de zaal.

### **Ten vijfde:**

Vorm gein groepkes van tweeë, drie of veer,  
mer pak uch allemaol vas en maak plezeer.

### **Ten zösde:**

De jónges van HBC zulle d'r dees daag aan mótte wènnene,  
det ich noe waal 'ns veurop zal renne.

### **Ten zevende:**

Weer haope det Piet Paulusma ós mit de vastelaovend good waer geit gaeve,  
zoadet weer op maandjig ouch eine prachtige optoch maoge belaeve.

### **Ten achste:**

't Is pas tied óm heives te gaon,  
es de prins en zien prinses ouch nao bèd gaon.

### **Ten neugende:**

Det weer op Esjelegoonzig mit 't esjekruutske veur de kop  
rech oet oos hart kènne zegke: "t Waor geweldig, 't waor top!"

### **Ten tieënde:**

Zèng, dans, sjprèng en maak vööl laeve,  
dan weite w'r zeker det w'r dit jaor eine sjoane vastelaovend gaon belaeve.

### **Ten elfde:**

Es de Aw Sjoal, D'n Aezel en De Knert sjoete gaon,  
Mót geer weite, det weer altied nog eine kawd hóbbe sjtaon !

**Höbs se 'ne kater en veuls se dich sjmörges neet good?**

**Mós altied mer dènke, nao 'n glaas beer KUMP ALLES weer GOOD !!**